



# Ալեքսանդր Ճատուրյան

## Միրելի՛ ընկեր . . .

Միրելի՛ ընկեր, դու մի՛ գարմանար,  
Որ մատաղ կյանքիս եռուն հասակում  
Այնքա՛ն տխուր է հնչում իմ քրնար:  
Վիշտ ու թախիծ ես կարդում իմ երգում:

Ծնված հեզ երգիչ մի դժբախտ ազգի,  
Միշտ մրռայլ տեսա երկինքը գլխիս.  
Ես շատ վա՛ղ ուսա տանջանքը կյանքի,  
Վա՛ղ մտերմացավ վրշտի հետ հոգիս:

Անմեղ հասակից օրորոցիս մոտ,  
Որ պետք է սիրտս մեղմ օրոր շոյեր,  
Որ պետք է ժպտար կյանքի առավոտ,  
Ես տեսա միայն սև ու մութ օրեր...

Տեսա կատաղի չարության մատնված  
Անգեն թշվառներ ժանտ դահճի առաջ  
Լսեցի անտուն, դռնե-դուռ ընկած  
Հարազատ ազգիս աղերսն ու հառաչ...

Այո՛, ընկե՛ր իմ, դու մի՛ գարմանար,  
Որ գարուն չունի էլ մատաղ հոգիս.  
Արյուն-արցունքով ներկված իմ քրնար

Ազգիս վշտին է արձագանք տալիս...